



27. maj 2021

Inatsisartut suleriaasianni § 37 naapertorlugu matumuuna Naalakkersuisunut imaattumik apeqquteqassaanga:

**Naalakkersuisunut apeqquteqaat:**

1. Naalakkersuisut aatsitassanut suliniutit radiup qinngornerinik akoqartut **tamarmik** unitsin-niarlugit pilersaaruteqarpat?
2. Taamaappat, tamanna misissuinermi akuersissutitut aammalu piiaanissamut akuersissuti-nut atuuppa?
3. Tamanna taava aamma akuersissutitut sulianullu radiup qinngornerinik Thoriumimik ako-qartunut atuuppa?
4. Naalakkersuisut attueqqusinngilluinnarnermik nalunaarutaat akuutissanut uranip saniati-gut allanut aamma tunngatinneqarpa?

(Inatsisartunut ilaasortaq, Erik Jensen, Siumut)

**Tungavilersuut:**

Naalakkersuisooqatigiinnissamut isumaqatigiisummi qupp. 13-mi ilaatigut ima allassimasoqarpoq “Qinigaaffimmi matumani aatsitassanut qinngornilinnut aatsitassarsiortoqannginnissaanik inatsisip atuutilernissaa suliarineqassaaq”.

Taamatut allaqqasoqarnerata nassuiarneqarnissaa taamaattumik pisariaqarpoq, taamaasilluni naalakkersuisooqatigiit qanoq isumaqarnerat tamanit paasineqarniassammat.

Nalornisinneqarnerup nunatsinni aningaasaliissuteqarnissaa millisissavaa, taamaasilluni nunarput suliffinnik akileraarutigullu isertitassanik annaasaqarluni. Taamaattumik suliasaqaarfiup tungaa-tigut erseqqissumik nalunaaruteqartoqarnissaa pisariaqartutut isigaara.

Apeqqutima ullut suliffiusut qulit iluanni akineqarnissaat kissaatigaara.